



МЕСЯЦА ФЕВРАЛЯ В 28-Й ДЕНЬ

Преподобнаго отца нашего и исповедника
Васілія, спóстника святаго Прокóпия

На Господи, возва́х: **стихи́ры, глас 4.**



Подóбен: Дал еси́ зна́мение:

лаже́нства су́щаго па́че ума жела́я, / вмени́л
еси́, чу́дне, / пи́щу воздержа́ние, / нищету́
бога́тство, / нестяжа́ние и́мение оби́льно / и
благосла́вие смире́ние. / Те́мже и жела́ние, /
э́же по ра́зуму, получи́л еси́, / в ски́ниих водворя́-
яся свята́х, Васи́лие.

Тече́ние воздержа́ния / непрело́жно соверши́л
еси́ / и ве́ру соблю́л еси́. / Те́мже и венце́м украси́л-
ся еси́, отче, пра́вды, / Егóже тебе́ угото́ва Хри-
стос, / по досто́янию подава́яй возме́дья, / и по́че-
сти да́руя, и болезне́й воздая́ния. / Егóже моли́,
Богодухнове́нне, / спасти́ души́ на́ша.

Вся́кое сладостра́стие, / порабо́щая́ тело́ твое,
отверѓл еси́, Богому́дре, / огорчева́я чувство́ воз-
держания́ болезнью́ми / и жестокопребыва́ньми, /
терпением же напáстей / и пожда́нием обстоя́ний, /
и́миже безконече́ное прие́млеши наслажде́ние, / и
сла́дость непрее́мную, / и ра́дость неизглаго́лан-
ную.

Сла́ва, и ны́не, Богоро́дичен, глас 4.

Подóбен то́йже:

Де́монскими прекло́нена прило́ги / и в ров поги-
бели вве́ржена / ущедри, Владычи́це, / и утверди́
мя на ка́мени добродете́лей, / и, наве́ты вра́жия
разори́вши, / сподоби́ мя твори́ти повеления́ / Тво-

его Сына и Бога нашего, / яко да улучу / оставлѣние в День Судá.

Крестобогорóдичен.

Подóбен тойже:

Распина́ема Христа Человеколю́бца / видящи, Пречистая, / и рѣбра ископова́ема копи́ем, / пла́чуши, вопи́яше: / что́ сие, Сыне Мой? / Что́ Ти безблагодáтнии лю́дие воздáша, / за я́же сотвори́л еси́ дóбрая им? / И тщи́шия безча́дствовати Мя, вселюбѣзнейший, / удивляю́ся, Благоутрóбне, Твоему вóльному распя́тию.

Тропа́рь, глас 1:

Пусты́нный житель, и в телеси́ Ангел, / и чудо-творецъ я́вился еси́, Богоно́се, отче наш Васи́лие, / постóм, бдением, молитвою Небесная дарова́ния приим, / исцеля́еши недужныя и ду́ши верою притека́ющих ти. / Слава Дáвшему ти крѣпость, / слава Венча́вшему тя, / слава Дѣ́йствующему тобою́ всем исцелѣния.

Канóн, егоже краегранѣсие: Веры основание тя знаю, отче. Творение Феофа́ново. Глас 4.

Песнь 1

Ирмо́с: Моря чермнóу пучину / невлажными стопа́ми / древний пешешествовав Израиль, / крестообразныма Моисѣевыма рука́ма / Амалікову силу в пусты́ни победилъ есть.

Восхождѣние на ка́мени положи́в, отче, веры, / напáстей не убо́ялся еси́ стремлѣния, / но непоколебимъ пребыл еси́, яко добродѣтели побóрник / и яко царствия тезоименитъ.

Благода́ть Пресвятаго Духа ты укрепивши, / болѣзненныя раны претерпѣти утверди́ / и победоносца показá на мучителя суетоудреннаго.

Сострадáльца и своина мýдра, отче, получи́л еси́, добродѣтельми преспева́юща присно, / с нимже, раду́ясь, пребогáте, пóдвиг страда́ния прошѣл еси́ мучениемъ.

Богорóдичен: Предста́тельница, и спасѣния Ходáтаицу, и стѣну небориму, / Ты предлагаю́ моя жизни, Богородице Всепѣтая, / Бога рóждшую, Благодѣтеля всея́ твари.

Песнь 3

Ирмос: *Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.*

Направил еси усердно твое сердце к Богу, преподобне, / постною благодатию и исповеданием просиял еси.

Воинство восприим и всеоружие Креста, / победил еси мысленного змия и чувственного, отче, льва.

Соблюдше благочестиве, еже по образу души, преподобнии, / Христов пречистый чтуще образ, пострадасте.

Богородичен: *Благословися Тобою первая клятва, / и тлением держимое естество наше, Чистая, нетление прият.*

Седален, глас 3.

Подобен: Красоте девства:

Богатство тленное и славу текущую оставив, / Небесное богатство восприял еси / и славу, отче, воистинну, блаженне, вечную. / Темже блажим святое твое успение / и, торжествуяще, в нем вопиим ти: / поминай нас, к Богу имея дерзновение, Василие.

Слава, и ныне, Богородичен:

Недомысленно и непостижимо есть, Владычице Богорадованная, / еже соделанное о Тебе страшное Божие таинство, / ибо, необыменного зачещи, родила еси / плотию обложенна от пречистых кровей Твоих. / Егоже всегда, Чистая, яко Сына Твоего моли / спастися душам нашим.

Крестобогородичен:

Неискусобрачная Чистая и Мати Твоя, Христе, / видящи Тя, мертва висяща на Кресте, матерски плачущи, глаголаше: / что Тебе воздаде еврейский беззаконный собор и неблагодарный, / иже многих и великих Твоих, Сыне Мой, даров насладивыйся? / Пою Твое Божественное низхождение.

Песнь 4

Ирмос: *Вознесена Тя видевши Церковь на Кресте, / Солнце Праведное, / ста в чине своем, / достойно зывающи: / слава силе Твоей, Господи.*

Яко красное твое, всеблаженне, терпение, / в

ста́рости ю́ностную показу́я, преподо́бне, твёр-
дость, / в не́йже взыва́л еси́: / сла́ва силе Твоей,
Господи.

Соединён любовью твоему́ Влады́це и Того
по́мощию оде́ваясь, / бо́лезни не чу́вствовал еси́
плотскія, / взыва́я же, пел еси́: / слава силе Твоей,
Господи.

Ца́рства я́ко тезоименіт Небеснаго, иже к нему
веду́щим путем шествовал еси́, / спутника обрет
Прокóпия, зовуща: / слава силе Твоей, Господи.

Богородичен: Неискусобра́чно родила́ еси́, о
Дево, / и по Рождествѣ явилася еси́ девствующи
па́ки. / Те́мже немóлчными гласы,—ра́дуйся,—
Тебе, Владычице, / véрою несумнённою зовём.

Песнь 5

Ирмо́с: Ты, Господи, мо́й Свет, / в мир пришёл
еси́, / Свет Святы́й, обраща́я из мра́чна
невѣдения / верою воспева́ющия Тя.

Ты, преподо́бне, свѣтло подвиза́лся еси́, Васи́-
лие, / льво́ву укори́в неукроті́мую дѣрзость, и нрав
неразу́мный.

Равномóщна обрѣт Прокóпия в трудѣх, / совер-
ша́еши страда́ние преспе́янии многообра́зными, /
Божественне венча́емь.

Ны́не ви́диши мы́сленно Христа, Егóже возже-
ла́л еси́ / и Егóже изда́леча явлѣ́ния де́йственно
видел еси́, / преблаже́нне свяще́ннейше.

Богородичен: Тя, ору́жие непобеді́мое на враги
предлага́ем, / Тя, утвержде́ние и надежду нашего
спасе́ния, Богоневѣ́сто, стяжа́хом.

Песнь 6

Ирмо́с: Пожру́ Ти со гласом хвалѣ́ния, Господи, /
Церковь вопи́ет Ти, / от бесóвскія крове
очи́щися / ради ми́лости от ре́бр Твоих / истѣк-
шею Кро́вию.

Раче́нием Царствіе Вы́шнее восприѣ́м, / земна́го
царя несмы́сленный нрав, и повелѣ́ния, и запове-
ди, Богоно́се, / до́блественне пренебре́гл еси́.

Наг убо су́щих на землі́, му́дростне подвиза́лся
еси́, / оде́ян же Божѣ́ственной силою, / явился еси
венценóсец, / я́ко победи́в безбо́жных мучі́телей
противлѣ́ние.

Богородичен: Се ныне пророков исполняются проповедания / Тебе, Деве, рождающей пророки древле проповеданного / и исполняющего прореченная Духа благодатию.

Кондак, глас 2.

Подобен: Вышних ищя:

Свысоты приим Божественное откровение, / изшел еси, мудре, от среды молв / и, монашествовав преподобно, / чудес приял еси действо / и недуги исцеляти благодатию, / Василие всеблаженне священнейший.

Песнь 7

Ирмос: В пещи Авраамстии отроцы персидстей, / любвию благочестия паче, / нежели пламенем, опаляеми, зываху: / благословен еси в храме славы Твоея, Господи.

Укреплен Божественною силою, отче, / обличил еси вся, честнаго образа Христова отметающиеся, яко пребезумны, / благословен еси, вопия, в храме славы Твоея, Господи.

Возделанна и очищена воздержанием, отче, / и пощением возсиявша терпеливно, Христос тя прият, / благословен еси, зовуща, в храме славы Твоея, Господи.

Богородичен: Яко Богородицу и Царицу всея твари, вси вернии, поем Тя, Чистую, / и— еже радуйся,— Тебе зываем: / благословена Ты в женах еси, Всенепорочная Владычице.

Песнь 8

Ирмос: Руце распростер, Даниил / львов зияния в рове затче: / огненную же силу угасиша, / добродетелию препоясавшися, / благочестия рачители, отроцы, зывающе: / благословите, вся дела Господня, Господа.

Тело, Богоносе, и ум во всеплодие Христу принесл еси, / яко всесожжение совершено огнем сведения, и пламенем ран всесожегаемь, и зовый: / благословите, вся дела Господня, Господа.

Погнав твои враги и гоним, отче, низложил еси / и попрал еси, преподобне, безумие высокоумдреннаго, / неукротимы видя тебе мучащия, зывая: / благословите, вся дела Господня, Господа.

Якоже некий художник, нам учёными изряден явился еси, пребогате: / первее бо воздержание к страданием мужественнейше предложил еси, / сострадальца имея ученика Прокония, и вопиющая: / благословите, вся дела Господня, Господа.

Богородичен: Дверь светоносу Небесную Тя именуем, / еюже пройде Бог и воплотися, Пречистая, безплотный первее, / яко Бог и Отцу Сый Единосущен, / Емуже вопием: / благословите, вся дела Господня, Господа.

Песнь 9

Ирмос: Камень нерукосечный / от несекомыя горы Тебе, Дево, / краеугольный отсечеса, / Христос, совокупивый разстоящаяся естества. / Тем, веселящися, Тя, Богородице, величаем.

Всяко чувство, отче, ныне превозшед, ко Владыце, радуяся, прешел еси любовью, / твоих подвигов богатство обрав, / ангельскую красоту и рай сладость непрестанную.

С твоим учеником и сострадальцем восприемля, Богоносе, / блаженных надежду и вечное веселие, / ваше торжество творящих назирайте.

От земли к Небесному наслаждению, венценосцы, преставльшися, / идеже святых собори, и Ангел Божественная воинства, / ученик сословие вашими молитвами спасайте.

Богородичен: Расторгни пленницы прегрешений Тя поющих, Богомати, / устави стремления напастей, греховную утиши молву, / бурю сокруши бед, Мати Дево.

Преподобный Василий Исповедник был иноком. Он пострадал в царствование иконоборца Льва Исавряннина (716—741). Когда началось гонение на почитателей святых икон, святой Василий вместе с преподобным Прокопием (память 27 февраля) был предан многим истязаниям: их терзали железными крючьями, заперли в темницу, где оба мучени-

ка томилась долгое время, до самой смерти нечестивого императора. Когда преподобных Василия и Прокопия освободили вместе с другими почитателями святых икон, они снова стали подвизаться в иноческих подвигах, наставляя многих в православной вере и добродетельной жизни. В 750 году преподобный Василий мирно отошел ко Господу.



Святáго блаженнаго Никола́я Сáллоса, Христа ра́ди юрóдиваго, Пско́вскаго

Тропа́рь, глас 4:

Словéнска язы́ка, Пско́вския землі / плотски в
юрóдстве быв, / юрóдства притворéнием Гóр-
няго Иерусали́ма гражда́нин яви́ся, / Ангелом,
славне, свесели́шися, / мироточи́ваго святите́ля
Никола́я зва́ние воспри́йм, / с ни́мже всегда Хри-
ста́ Бо́га моли́ / дарова́ти нам ве́лию ми́лость.

Конда́к, глас 8:

Чудотво́рец яви́ся, Нико́лае, / ца́рску держа́ву и
смы́сла свире́пство на ми́лость обрати́в, / и
сего́ ра́ди своему́ оте́честву тепл моле́бник показá-
ся, / и ны́не мо́лим тя, свя́те, / пребу́ди в нас еще,
защити́ от кова́рств вра́жиих, / ты бо еси гра́ду
Пско́ву и всем христолю́бивым лю́дем похвала́ и
утвержде́ние.



Блаженный Николай жил в городе Пскове во времена царя Иоанна Грозного (1533—1584). Он взял на себя высокий подвиг юродства, получившего на Руси расцвет, как особый вид подвижничества, в XVI столетии. «Блаженный Николай Псковский вобрал в себя основные черты святых юродивых Христа ради, включая особенности его времени» («Журнал Московской Патриархии», 1976, № 1).

Псковичи звали его Микула (Микола, Никола) Саллос, что в переводе с греческого означает «блаженный, юродивый», и еще при жизни почитали как святого, называя также Микула Свят. Блаженный Николай зимой и летом ходил в ветхой одежде, почти нагой, переносил с терпением и сильнейшие морозы, и чрезмерную жару. Жил он в келье под соборной колокольней, мало заботясь о пропитании, но возрастая духовно. За внешне безумными поступками, бессмысленными словами, блаженный Николай скрывал свое духовное богатство и внутреннюю близость к Богу. Еще

задолго до своей кончины блаженный Николай стяжал благодатные дары Святого Духа и был удостоен от Бога дара чудотворения и пророчества. Так, он предсказал преподобному Никандру Псковскому (†1581; память 24 сентября) испытания, которые ждали того в дальнейшей пустынно-ческой жизни.

В 1569 году опричные войска во главе с царем Иоанном Грозным выступили походом против Новгорода и Пскова. Мнительный царь подозревал эти города в измене. Разгромив Новгород, перебив мирян и духовенство, бояр и простых людей, в первую неделю Великого поста в феврале 1570 года царь подошел ко Пскову и остановился, не доходя до города, в Никольском монастыре. Псков ожидала та же участь, что и Новгород. Жители города не знали, что делать: защищаться или бежать. Блаженный Николай посоветовал встретить грозного царя хлебом с солью. Все жители города вышли на улицы, и каждая семья встречала царя хлебом с солью у своего дома. Это смягчило Иоанна, и он решил разграбить городскую казну, но жителей не трогать. Тогда блаженный Николай, увещевавший царя «покушать хлеба-соли, а не христианской крови», сказал ему, чтобы он не грабил город, в противном случае — «не на чем ему будет бежать» из Пскова. Не поверивший пророчеству, царь уже приказал снимать колокол с Троицкого собора, как

вдруг ему сообщили, что пал его лучший конь. В преданиях сохранилось также свидетельство об обличении юродивым неправедной жизни Иоанна Грозного. Блаженный Николай предложил царю кусок сырого мяса; на это царь сказал, что он — христианин и не ест мяса в Великий пост. Тогда блаженный Николай возразил царю так: «Ты делаешь хуже: питаешься плотию и кровию человеческою, забывая не только пост, но и Бога». Испугавшись сбывшегося пророчества и обличений в злодеяниях от блаженного Николая, царь вместе со своими опричниками покинул город.

Скончался блаженный Николай 28 февраля 1576 года. По особому почитанию жителей Пскова он был погребен под соборным храмом; такой почести удостаивались только князья и архипастыри. В 1581 году, перед осадой Пскова войсками польского короля Стефана Батория, кузнецу Дорофею было явление Божией Матери с сонмом псковских святых, молившихся за город. Среди этих святых был и блаженный Николай. Согласно этому видению была написана икона, на которой среди других святых был изображен и блаженный Николай. С того времени была установлена память святого блаженного Николая Псковского. Могила блаженного Николая Псковского почивают ныне в кафедральном соборе города Пскова во Имя Пресвятой Троицы.

